

Muchanan tambe tin nan Rey y Reinanan di Dande pa 2010



TANKI LEENDERT - Diamars anochi a tuma luga na Centro di Bario Tanki Leendert e Festival di Dande Infantil y Hubenil 2010. E evento a conoce e biaha aki su di 10 aniversario di existencia apoyando y fomentando e tradicion y cultura Arubiano entre e hobennan. E festival a cuminsa tempran y ya pa 12'or di anochi a caba di duna resultado. Tabatin un cantidad satisfactorio di participante

reparti entre e diferente categoria di edad, Dande y Composicion Propio. Cada cantante tabata compaña pa un agrupacion musical of tipico. E festival, patrocina totalmente pa RBTT Bank a conta cu un publico cu a disfruta enormemente di e anochi y a sa di apoya e diferente participantenan riba escenario. E cuerpo di hurado a consisti di conocedo di

dande y musica en general. Den e categoria di 5 pa 9 año a keda na di dos luga Jayleen Croes cu Tipico Macuarima mientras cu Reina di Dance a bira Carrienne de Cuba compaña pa e agrupacion La Bomba. Den categoria di 10 pa 13 año e di tres luga a bay pa Retjard Ras hunto cu Los Sobrinitos sigui pa Jonathan Croes y Tipico Pegasaya na di dos luga y como Reina di Dande Kiziah Trimon cu Tipico Arco Iris y Rey di Dande, Brandon Rincones compaña pa Tipico Macuarima. Por ultimo, e categoria di 14 pa 17 año a conoce e resultado cu a duna e di tres luga na Eunice Alberts cu Los Sobrinitos

sigui pa di dos luga ta haya Kimberly Tromp compaña pa Tipico Wanglo di Sabana mientras cu Mareline van der Linden, tambe cu Tipico Wanglo di Sabana a bira Reina di Dande y Leonardo Dirksen di Tipico Macuarima a keda corona Rey. Tambe a premia riba e anochi aki, y mescos cu den e festival di adulto, un 'Propio Composicion'. E premio ey a bay pa Brandon Rincones di Tipico Macuarima. Pabien ta bay na tur ganado y finalista, pero tambe na tur participante, nan famia, compositor, areglista y musico cu ta aporta tempo y placa pa mantene e tradicion di Dande bibo y vigente.